



3pm, Dydd Mawrth, 28 Tachwedd 2023
drwy Teams

COFNODION

Presennol	
Enw	Trefniadaeth
Y Cynghorydd Darren Price (Cadeirydd)	Cyngor Sir Caerfyrddin
Mydrian Harries	Gwasanaeth Tân ac Achub Canolbarth a Gorllewin Cymru
Y Cynghorydd John Davies	Gwasanaeth Tân ac Achub Canolbarth a Gorllewin Cymru
Huwel Manley	Cyfoeth Naturiol Cymru
Ardiana Gjini	Bwrdd Iechyd Prifysgol Hywel Dda
Gwilym Dyfri Jones	Prifysgol Cymru Y Drindod Dewi Sant
Yr Uwch-arolygydd Ross Evans	Heddlu Dyfed Powys
Linda Jones	Bwrdd Partneriaeth Rhanbarthol
Emma Smith	Cyngor Tref Caerfyrddin

Yn bresennol	
Enw	Trefniadaeth
Gwyneth Ayers	Cyngor Sir Caerfyrddin
Llinos Evans	Cyngor Sir Caerfyrddin
Kate Harrop	Cyngor Sir Caerfyrddin
Amy Richmond	Gwasanaeth Tân ac Achub Canolbarth a Gorllewin Cymru
Bailie-Olivia Jones	Gwasanaeth Tân ac Achub Canolbarth a Gorllewin Cymru
Nathan Davies	Bwrdd Iechyd Prifysgol Hywel Dda

1. Croeso, Cyflwyniadau ac Ymddiheuriadau

Ymddiheuriadau	
Enw	Trefniadaeth
Andrew Cornish	Coleg Sir Gâr
Catherine Mealing-Jones	Parc Cenedlaethol Bannau Brycheiniog
Jason Jones	Cyngor Sir Caerfyrddin
Carys Morgans	Swyddfa Comisiynydd yr Heddlu a Throseddu
Marie Mitchell	Cymdeithas Gwasanaethau Gwirfoddol Sir Gaerfyrddin
Kevin James	DWP

Croesawodd y Cynghorydd Darren Price, Cadeirydd, bawb i'r cyfarfod.

Amcan Llesiant: Helpu i greu cymunedau dwyieithog, diogel ac amrywiol

2. Cynllun Rheoli Risg Cymunedol Gwasanaeth Tân ac Achub Canolbarth a Gorllewin Cymru

Cafodd y BGC gyflwyniad gan Mydrian Harries, cynrychiolydd BGC y Gwasanaeth Tân ac Achub a Chyfarwyddwr Adnoddau.

Amlinellwyd 'Cynllun Rheoli Risg Cymunedol 2040' y Gwasanaeth i'r aelodau. Ei nod yw darparu'r Gwasanaeth Tân ac Achub gorau posibl ar gyfer cymunedau Canolbarth a Gorllewin Cymru.

<https://www.tancgc.gov.uk/media/8046/jr1672-crmp-consultation-report-welsh-v2.pdf>

<https://www.mawwfire.gov.uk/media/8045/jr1672-crmp-consultation-report-english-v2.pdf>

Mae'r Cynllun allan i ymgynghori tan 15 Ionawr a bydd yn cael ei gyhoeddi ar wefan y Gwasanaeth ar 31 Mawrth 2024.

Mae'r cynllun strategol newydd hwn yn uchelgeisiol ac yn diwallu'r angen am un Strategaeth glir wrth symud ymlaen gydag un set o amcanion, sy'n edrych yn fwy hirdymor, sydd â phwrpas clir sy'n canolbwyntio ar atal, amddiffyn ac ymateb ac mae'n seiliedig ar y gymuned a'u hanghenion. Mae yna gynllun gweithredu clir sy'n cael ei arwain gan ddata ac sy'n seiliedig ar dystiolaeth.

Ymhlith y meysydd yr ymgynghorir â hwy mae Amcanion Gwella a Lles drafft, trefniadau ar-alwad, adolygu risgiau, ymgysylltu, adolygu arferion gweithredol, cerbydau a gofynion offer a'r nod o ddod yn sero net erbyn 2030.

GWEITHRED	
Anogwyd aelodau'r Bwrdd i gyfrannu at yr ymgynghoriad ar Gynllun Rheoli Risg Cymunedol Gwasanaeth Tân ac Achub Canolbarth a Gorllewin Cymru Ymgynghoriad CRMP Drafft 2040 - Gwasanaeth Tân ac Achub Canolbarth a Gorllewin Cymru (mawwfire.gov.uk)	Pawb
Canolbwyntio ar faterion sirol sy'n ymwneud â'r Cynllun Rheoli Risg Cymunedol mewn cyfarfod yn y dyfodol er mwyn gallu adnabod cefnogaeth gan bartneriaid	Tîm Cefnogi BGC

Amcan Llesiant: Gwella llesiant a lleihau anghydraddoldebau iechyd

3. Model Cymdeithasol ar gyfer Iechyd a Lles

Rhoddodd Nathan Davies, Uwch Reolwr Prosiect, Bwrdd Iechyd Prifysgol Hywel Dda, gyflwyniad ar ran Dr Phil Kloer, aelod o'r BGC, Dirprwy Brif Weithredwr a Chyfarwyddwr Meddygol Gweithredol.

Rhoddwyd amlinelliad o'r cefndir i'r penderfyniad a wnaed i symud tuag at fodel cymdeithasol ar gyfer iechyd a lles, yn dilyn strategaeth 20 mlynedd y Bwrdd Iechyd 'Canolbarth a Gorllewin Cymru Iachach: Cenedlaethau'r Dyfodol Byw'n Dda' (2018). Roedd hyn oherwydd yr angen nid yn unig i ganolbwyntio ar ofal meddygol neu glinigol ond ystyried atal ac ymyrraeth gynnar a chefnogi cymunedau cysylltiedig a gwydn lle mae pobl yn iach.

Cynigiwyd tri maes gwaith eang i Fwrdd Iechyd Prifysgol Hywel Dda ym mis Mehefin 2023 yn ymwneud â:

- ein gweithlu
- partneriaid/partneriaethau
- cymunedau.

Nodwyd cymuned ym mhob sir, gyda sefydliadau partner, i fod yn "brawf" i gefnogi gweithgarwch cymunedol yn seiliedig ar leoedd. Yn Sir Gaerfyrddin, cytunwyd mai Tyisha yn Llanelli oedd y maes ffocws. Rhoddwyd amlinelliad o weithgaredd yn y ward:

- Gweithio gyda'r rhaglen Trawsnewid Tyisha, gan wneud cysylltiadau rhwng y tîm Trawsnewid Tyisha a gofal sylfaenol, gweithio gyda'r ffrwd waith Plant, Teuluoedd a Chymunedau a gyda Swyddog Anabledd y Cyngor Sir ar gyfer Cymunedau am Waith a mwy i ystyried cyfleoedd gwirfoddoli posibl.
- Gweithio gydag Ysgol Pen Rhos gan gynnwys menter canser Moondance i godi ymwybyddiaeth o ganser y coluddyn a sgrinio, sesiynau gwybodaeth gan dîm Gweithlu'r Dyfodol y Bwrdd Iechyd am enghreifftiau o swyddi a gyrfaoedd, a chysylltu â phrosiect ymchwil Prifysgol Abertawe i ddysgu am sut mae'r ysgol yn ymarfer addysg sy'n canolbwyntio ar y gymuned a nodi arfer gorau.
- Ystyried dyblygu'r model prawf yn y gymuned a welwyd ym mhrosiect 'Grand Avenues' yn Nhrelái, Caerdydd.

Cafwyd trafodaeth ynghylch y model cymdeithasol yn cael ei alinio â phenderfynyddion ehangach iechyd a all helpu i dargedu achosion sylfaenol iechyd. Mae dros ddwy ran o dair o broblemau iechyd o ganlyniad i benderfynyddion cymdeithasol, economaidd a masnachol yn hytrach nag achosion iechyd.

Nodwyd bod y Cyngor Sir yn gweithio gyda'r Gwasanaeth Prawf mewn perthynas â gweithredu'r rhaglen ad-dalu gymunedol.

4. Bwrdd Partneriaeth Rhanbarthol

Cafwyd cyflwyniad gan aelod o'r BGC, Linda Jones, Rheolwr Rhaglen Bwrdd Partneriaeth Rhanbarthol Gorllewin Cymru (RPB).

Rhoddwyd amlinelliad o'r gofynion ar yr RPB i sicrhau bod yr Awdurdod Lleol a'r Bwrdd Iechyd yn cydweithio'n effeithiol i ymateb i'r Asesiad Anghenion Poblogaeth a gweithredu'r Cynllun Ardal rhanbarthol ar y cyd 2023-2028 a'r Cynllun Cyflawni Blynyddol.

Rhoddwyd diweddariad ar gynnydd o ran y camau a nodwyd yn yr Asesiad Anghenion Poblogaeth, prosiectau allweddol y cytunwyd arnynt gan flaenoriaethau Adroddiad Sefydlogrwydd y Farchnad a chynnydd ar gamau allweddol Blwyddyn 1 yn y Cynllun Ardal.

Nodwyd mai un o gamau allweddol y BGC ar gyfer 2023/24 yw cryfhau'r berthynas rhwng y BGC a'r RPB ar feysydd o ddiddordeb cyffredin gan gynnwys atal. Mae'n bwysig sicrhau bod gwaith y BGC a'r RPB yn cyd-fynd er mwyn osgoi dyblygu.

Mae yna angen i sicrhau aliniad effeithiol rhwng yr RPB a phartneriaethau strategol eraill gan gynnwys BGC ac mae ymarfer mapio i'w gynnal.

Cynhaliwyd trafodaeth ynghylch atal fel elfen benodol o waith yr RPB sy'n berthnasol i'r BGC. Mae angen ystyried sut y gellir cyflwyno partneriaid i fynd i'r afael ag anghenion atal lefel isel a chefnogi'r boblogaeth cyn bod angen darparu gwasanaeth iechyd neu ofal cymdeithasol.

GWEITHRED	
Trafodaeth i'w chynnal mewn cyfarfod yn y dyfodol i ystyried sut y gall y BGC gefnogi'r RPB ym maes atal	Tîm Cefnogi BGC

Amcan Llesiant: Ymateb i'r argyfyngau hinsawdd a natur
5. Cam 1: Cynyddu cydweithio ar seilwaith Codi Tâl EV Cerbydau Trydan mewn lleoliadau sector cyhoeddus

Gofynnwyd i'r Aelodau gytuno ar y cylch gorchwyl drafft a ddsbarthwyd ar gyfer y grŵp gorchwyl a gorffen hwn ac enwebu unigolyn i gynrychioli ei sefydliad ac arwain y grŵp os teimlid bod hynny'n briodol.

Gwaith cychwynol i'w wneud fydd dadansoddi cyfleoedd a rhwystrau, mapio lleoliadau, trafod seilwaith yn y dyfodol sy'n ofynnol ac ystyried y CLG a ddatblygwyd mewn meysydd eraill.

Cytunwyd ar y cylch gorchwyl drafft.

GWEITHRED	
Enwebiadau ar gyfer grŵp gorchwyl a gorffen Codi Tâl EV i'w hanfon at Llinos Evans	Pawb

Amcan Llesiant: Mynd i'r afael â thlodi a'i effeithiau
6. Diweddariad gan Grŵp Gorchwyl a Gorffen Nodi a gweithredu cyfleoedd i staff sefydliadau PSB wneud i Bob Cyswllt Gyfrif (MECC) gyda gwell cyfeirio ac atgyfeirio at wasanaethau cymorth Adeiladu ar wasanaethau cynghori a chefnogaeth i breswylwyr drwy Hwb y Cyngor, drwy ddatblygu cyfleoedd ar gyfer cydweithredu ar draws sefydliadau BGC

Cafodd yr aelodau eu diweddarau bod y grŵp gorchwyl a gorffen hwn wedi cynnal cwpwl o gyfarfodydd cychwynol rhwng swyddogion y Cyngor a chynrychiolydd o'r Gwasanaeth Tân ac Achub. Roedd disgwyl i'r grŵp gwrdd nesaf ar 18 Rhagfyr a gofynnwyd am aelodaeth ehangach gan bartneriaid BGC.

Roedd llawer o waith wedi'i wneud yn y maes hwn, gan gynnwys y gweithdy a gynhaliwyd y llynedd, a oedd angen ei ystyried i benderfynu sut y gellid ei ddatblygu a'i adeiladu arno.

GWEITHRED	
Cysylltu gydag aelodau y BGC yn uniongyrchol i dderbyn enwebiadau ar gyfer y grwpiau gorchwyl a gorffen Tlodi	Llinos Evans

Amcan Llesiant: Sicrhau economi gynaliadwy a chyflogaeth deg	

7. Diweddariad gan Grŵp Gorchwyl a Gorffen

Cynllunio ar gyfer gweithlu'r dyfodol drwy gydweithio i hyrwyddo cyfleoedd swyddi a gyrfaedd yn y sector cyhoeddus

Rhodddwyd gwybod i'r Aelodau fod cyfarfod cychwynnol wedi'i gynnal gyda chynrychiolwyr o'r Cyngor, RPB, y Coleg a'r Gwasanaeth Tân ac Achub. Roedd angen mapio'r fforymau sy'n trafod hyn er mwyn osgoi dyblygu. Byddai gwybodaeth am waith sy'n cael ei wneud gan y RLSP yn cael ei adolygu.

Roedd nifer o feysydd tebyg a wynebwr gan bartneriaid wedi'u nodi gan gynnwys yr her recriwtio a'r cysylltiadau â phobl ifanc mewn ysgolion ac Addysg Bellach ac Uwch i sicrhau bod cyfleoedd yn y sector cyhoeddus yn cael eu hystyried fel gyrfa.

Bydd y grŵp yn cyfarfod nesaf ym mis Rhagfyr a bydd yn canolbwyntio ar gynllunio sut y gall partneriaid fynd i'r afael â'r her recriwtio y mae pawb yn ei hwynebu a sut y gall partneriaid rwydweithio, rhannu arfer da a gweithio ar y cyd.

8. Cofnodion a Materion yn Codi

3 Hydref 2023

Derbyniwyd y cofnodion fel cofnod cywir a gwir.

Log Gweithredu

Darparwyd diweddariadau ar gamau gweithredu blaenorol.

9. Unrhyw fusnes arall

Roedd diweddariadau wedi'u dosbarthu ar gyfer gwybodaeth yn ymwneud â Gorwel, y system wybodaeth ddigidol ar-lein sy'n cael ei datblygu ar gyfer y rhanbarth a'r Sefyllfa Trawsnewid Rhanbarthol ar gyfer Mamolaeth a'r Blynyddoedd Cynnar.

Gofynnodd yr Uwch-arolygydd Evans am gyswllt Bwrdd Iechyd i gysylltu ag ef ynghylch y clinig Mân Anafiadau yn ymgynghoriad Ysbyty'r Tywysog Philip ar hyn o bryd. Byddai hyn yn cael ei ddarparu gan Ardiana Gjini.

Nodwyd y bydd Huwel Manley, os nad yw'n gallu mynychu'r cyfarfod nesaf, yn trefnu i gynrychiolydd fod yn bresennol.

GWEITHRED	
Cadarnhau cyswllt y Bwrdd Iechyd i'r Uwch-arolygydd Evans ynghylch ymgynghoriad y clinig Mân Anafiadau yn Ysbyty Tywysog Philip	Ardiana Gjini

10. Cyfarfodydd y dyfodol

- 23 Ionawr 2024 (Pencadlys Gwasanaeth Tân ac Achub Canolbarth a Gorllewin Cymru, Caerfyrddin)
- 19 Mawrth 2024 (Teams)